



**Statens vegvesen**



**HORDALAND  
FYLKESKOMMUNE**

## **FORSLAG TIL PLANPROGRAM**



Foto: Mari Åmellem Brøto, Statens vegvesen

# **Fv. 7 Tokagjelet**

## **Kommunedelplan**

Kvam herad og Samnanger kommune

## Forord

Dagens fylkesveg 7 gjennom Tokagelelet er svært skredutsett (1). Skredfaren gir direkte risiko for tap av liv og helse. I tillegg gir skredfaren også risiko for stengt veg, med dei konsekvensane dette kan ha for til dømes samfunnssikkerheit og beredskap og generelt folk sin mobilitet.

Hordaland fylkeskommune ynskjer å prioritere utbygging av ny fv. 7 forbi Tokagelelet frå 2021 og utover (2).

Med dette som bakgrunn startar Statens vegvesen, i samråd med Kvam herad og Samnanger kommune, arbeidet med å utarbeide kommunedelplan for fv. 7 forbi Tokagelelet. Arbeidet skal resultere i ein overordna plan som fastset framtidig trasé og andre overordna prinsipp for framtidig fv. 7.

Den nye vegen vert leia i tunnel forbi Tokagelelet. Det er fleire mogelege påhogg for ny tunnel både på ned-/austsida og på opp-/vestsida av Tokagelelet. Kombinasjonen av dei ulike påhogga på kvar si side av Tokagelelet gir aktuelle nye tunneltraséar. Desse skal utgreiast i planarbeidet, før det til slutt skal gjerast vedtak om kva for ein trasé som skal ligge til grunn for vidare utvikling av fylkesvegen.

Prosjektet vil vere av eit slikt omfang at det i planlegginga skal gjerast ei særleg utgreiing av konsekvensane (konsekvensutgreiing). Sjå Plan- og bygningsloven § 4–2 (3) og Forskrift om konsekvensutgreiingar § 6, bokstav a) (4).

Dette dokumentet er planprogrammet for kommunedelplanen. Planprogrammet fastset rammene som skal gjelde for planarbeidet og er styringsdokument for planlegginga. Meir utdjupa skal planprogrammet gjere greie for bakrunnen og føresetnadane for planprosjektet, kva alternativ som skal greiast ut og kva tema konsekvensutgreiinga skal ta opp. Elles skal planprogrammet syne planområdet si geografiske utstrekning, forventa planprosess og opplegg for medverknad.

Forslag til planprogram vert lagt ut til offentlig ettersyn samstundes med at det vert varsle oppstart av planarbeidet. Det er då mogeleg å komme med innspel til dette. Deretter vil planprogrammet eventuelt verte justert før det vert teke opp til godkjenning av heradsstyret i Kvam og kommunestyret i Samnanger.

Forslag til planprogram (datert 4. mai 2018) vart lagt ut til offentleg ettersyn av Statens vegvesen 10. mai 2018, med høyringsfrist 22. juni 2018. Planprogram (datert dd. mm åååå) vart fastsett av Kvam heradsstyre dd. mm åååå og Samnanger kommunestyre dd. mm åååå.

*Leikanger, 4. mai 2018*

## Innhald

<b>Forord .....</b>	<b>2</b>
<b>Innhald .....</b>	<b>3</b>
<b>Vedlegg .....</b>	<b>4</b>
<b>1    Kva er eit planprogram?.....</b>	<b>5</b>
<b>2    Bakgrunn for prosjektet og planlegginga .....</b>	<b>6</b>
<b>3    Rammer og føringar .....</b>	<b>7</b>
3.1 Krav til og mål for veganlegg .....	7
3.1.1 Krav.....	7
3.1.2 Samfunnsmål.....	7
3.1.3 Effektmål .....	7
3.1.4 Resultatmål .....	7
3.2 Dimensjonering av veganlegg .....	7
3.2.1 Vognormalar styrer vegutforminga.....	7
3.2.2 N100 – Normal for veg- og gateutforming .....	8
3.2.3 N500 – Normal for veggangarar .....	9
3.3 Plangrunnlag .....	10
3.3.1 Statlege føringar .....	10
3.3.2 Regionale planar .....	10
3.3.3 Kommunale planar.....	10
<b>4    Planalternativ.....</b>	<b>11</b>
4.1 Ikkje ny fylkesveg 7 i Tokagelet .....	11
4.2 Ny tunnel forbi Tokagelet .....	12
4.2.1 Påhoggsalternativ på ned-/austsida av Tokagelet.....	12
4.2.2 Påhoggsalternativ på opp-/vestsida av Tokagelet.....	14
4.2.3 Tunnelalternativ som skal utgreiast.....	17
4.2.4 Utbetring av eksisterande veg går inn i «korte» alternativ .....	17
4.3 Massedeponi .....	18
<b>5    Planområdet .....</b>	<b>19</b>
<b>6    Kommunedelplanen sitt innhald.....</b>	<b>20</b>
6.1 Konsekvensutgreiinga sitt omfang .....	20
6.1.1 Samfunnsøkonomisk analyse .....	20
6.1.2 Andre konsekvensar som skal utgreiast.....	22
6.2 Finansieringsanalyse .....	22
<b>7    Statens vegvesen si tilråding .....</b>	<b>24</b>

<b>8</b>	<b>Planprosess .....</b>	<b>25</b>
8.1	Organisering .....	25
8.2	Trinna i planprosessen.....	25
8.3	Framdriftsplan.....	25
8.4	Medverknad.....	26
<b>9</b>	<b>Merknadar etter offentleg ettersyn av forslag til planprogram.....</b>	<b>27</b>
	<b>Referansar .....</b>	<b>28</b>

## Vedlegg

«Vurdering bompengepotensial for fleire løysingar i Tokagelet» (5).

## 1 Kva er eit planprogram?

Eit planprogram er ein plan for prosessen og planlegginga. Planprogrammet er første steg i arbeidet med kommunedelplan for fv. 7 Tokagjelet og er utarbeidd i samsvar med § 4-1 i Plan- og bygningslova.

Planprogrammet skal informere om målet med planarbeidet og avklare rammer og premissar for den vidare prosessen. Det gir ei oversikt over problemstillingar knytt til planarbeidet, viktige utgreiingar som er gjort eller skal gjerast og kva konsekvensvurderinger som må utførast for å klargjere vesentlege verknader av tiltaket. Oversikt over kva tema og problemstillingar som bør løysast i planarbeidet, opplegg for informasjon og medverknad og kva for alternativ som skal undersøkast, skal også gå fram av planprogrammet.

Dersom regionale og statlige styresmakter, på bakgrunn av forslag til planprogram, vurderer at planen kan koma i konflikt med nasjonale eller viktige regionale omsyn, skal dette gå fram av uttalen til forslaget til planprogram. Regionale og statlige styresmakter skal så langt det er mogeleg ta stilling til om planforslag bør fremjast, kva som i tilfelle bør utgjera og kva for avbøtande tiltak som bør vurderast.



**Figur 1:** Planprogrammet stikk ut kursen for planlegginga (foto: Knut Opeide, Statens vegvesen)

## 2 Bakgrunn for prosjektet og planlegginga

Dagens fylkesveg 7 gjennom Tokagjelet er svært skredutsatt (1). På oversikta over skredpunkt på fylkesvegnettet i Hordaland ligg både det punktet som har den nest høgaste skredfaktoren og det punktet som har den tredje høgaste skredfaktoren i Tokagjelet.

Skredfarene gir direkte risiko for tap av liv og helse. I tillegg gir skredfarene også risiko for stengt veg, med dei konsekvensane dette kan ha for til dømes samfunnssikkerheit og beredskap og generelt folk sin mobilitet.

Hordaland fylkeskommune har i investeringsprogram for fylkesvegnettet prioritert utbygging av ny fv. 7 forbi Tokagjelet fra 2021 og utover (2). Det er i 2021 lagt opp til å nytte 100 millionar kroner på prosjektet. Ytterlegare finansiering vil verte avklara gjennom revisjon av investeringsprogrammet.



**Figur 2:** Skred som gjekk over den nordre portalen til Snauhaugtunnelen, 16. september 2013. Liv og helse gjekk ikkje tapt, men vegen vart heilt stengt i ein månad (foto: Mari Åmellem Brøto, Statens vegvesen)

## 3 Rammer og føringer

### 3.1 Krav til og mål for veganlegget

#### 3.1.1 Krav

For alle traséalternativa vert desse krava stilt for at dei skal vere aktuelle å utgreie og velje som framtidig løysing for fylkesveg 7 forbi Tokagjelet:

- Dagens skredutsette veg gjennom Tokagjelet skal ikkje ha biltrafikk.
- Utbygginga må kunne gjennomførast utan at det er behov for å stenge fv. 7 i lengre periodar (fleire veker eller månadar).
- Utbygginga av skredsikker veg forbi Tokagjelet må kunne finansierast ved hjelp av 670 millionar kroner i skredsikringsmidlar, og elles ved hjelp av bompengar, jamfør kapittel 7.
- Ny veg skal ha tilfredsstillande tryggleik mot skred, noko som inneber at årleg nominell sannsynlighet for skred ikkje skal overstige 1/50 over strekningar på ein kilometer (6).

#### 3.1.2 Samfunnsmål

Prosjektet skal gi betre framkomst, trafikktryggleik og miljø. Prosjektet skal gje lågare risiko for hendingar (på fv. 7) knytt til skred.

#### 3.1.3 Effektmål

- Skredsikker veg forbi Tokagjelet
- Rask og trygg veg mellom Kvam og Bergen
- Rask og trygg veg mellom Norheimsund og Kvamskogen
- Tilbod til gåande og syklande forbi Tokagjelet
- Minst mogeleg negative konsekvensar for natur- og miljøverdiar

#### 3.1.4 Resultatmål

Vedteken kommunedelplan som avklarar framtidig trasé og andre overordna prinsipp for fv. 7 forbi Tokagjelet.

### 3.2 Dimensjonering av veganlegg

#### 3.2.1 Vognormalar styrer vegutforminga

Det er gitt krav for korleis nye vegar skal utformast og byggast. Desse krava er fastsett i vognormalar som er utarbeidd av Statens vegvesen etter § 3 i forskrift om anlegg av offentleg veg (7). Til saman finst det sju ulike vognormalar som er forankra i denne forskriften. Vidare går ein berre nærmere inn på dei to normalane som er særleg relevante for dette kommunedelplanarbeidet:




### 3.2.3 N500 – Normal for vegtunnelar

Det finst ein eigen normal med særlege krav til korleis tunnelar skal utformast og byggast. Krava til tunnel finn ein i normalen for vegtunnelar, Statens vegvesen si handbok N500 (10). I denne normalen har ein gruppert dei ulike krava i tunnelklassar. Tunnelklasse vert valt utifra trafikkmengde og tunnellengde.

**Med dimensjonerande ÅDT på 3000 køyretøy er det i utgangspunktet riktig med tunnelklasse B.** Dette er likevel berre riktig når tunnellengda er under 10 kilometer. Når ein får lengre tunnelar enn dette skal val av sikkerheitstiltak og -utstyr for tunnelen vurderast spesielt. Dette er relevant i dette planarbeidet fordi nokre av alternativa har løysingar med tunnelar som er lengre enn 10 kilometer. For desse tunnelane må ein som ledd i planarbeidet vurdere spesielt kva sikkerheitstiltak og -utstyr som trengst.

Det som gjerne er det viktigaste kravet som er sett i tunnelnormalen er kva normalprofil tunnelen skal utformast med. For tunnelklasse B skal normalprofilet «T9,5» nyttast:



**Figur 4:** Normalprofil for tunnelklasse B, «T9,5».

Det kan elles nemnast at krav til geometri i tunnel som utgangspunkt føl krava i normalen for veg- og gateutforming (8). Det er likevel eigne krav til maksimal stigning i tunnel og stoppsikt i tunnel. Stigninga skal ikkje overskride 5,0 % og stoppsiktkravet er 98 meter ved flat veg, 104 meter ved 5,0 % fall og 93 meter ved 5,0 % stigning.

### 3.3 Plangrunnlag

Nedanfor er det teke med overordna rammer som gjeld for utarbeiding av kommunedelplanen.

#### 3.3.1 Statlige føringer

- *Statlige planretningslinjer for samordna bustad-, areal- og transportplanlegging* (11)
- *Rikspolitiske retningslinjer for å styrke barn og unges interesser i planleggingen* (12)
- *Rikspolitiske retningslinjer for vernede vassdrag* (13)

#### 3.3.2 Regionale planar

- Regional transportplan Hordaland 2018–2029 (14)
- Investeringsprogram for fylkesvegnettet (2)
- Utviklingsplan for Hordaland Regional planstrategi 2016–2020 (15)
- Klimaplan for Hordaland 2014–2030 Regional klima- og energiplan (16)
- Regional kulturplan 2015–2025 (17)

#### 3.3.3 Kommunale planar

- Kommuneplan for Kvam herad, samfunnsdelen 2015–2030 (18)
- Kommuneplan for Kvam herad, arealdelen 2006–2014 (19)
- Kommunedelplan Norheimsund vest 2002–2014 (20)
- Kommunedelplan Kvamskogen 2010–2020 (21)
- Trafikksikringsplan for Kvam herad 2016–2019 (22)
- Kommuneplan for Samnanger kommune, samfunnsdelen 2007–2017 (23)
- Kommuneplan for Samnanger kommune, arealdelen 2004–2014 (24)
- Trafikksikringsplan for Samnanger kommune 2017–2021 (25)
- Diverse reguleringsplanar både i Kvam herad og Samnanger kommune

## 4 Planalternativ

I forkant av utarbeidninga av dette planprogrammet har Statens vegvesen sytt føre alternativsutvikling i samråd med Kvam herad og Samnanger kommune. Mange av alternativa er allereie sett på i tidlegare utarbeidd forprosjekt (26), men nokre alternativ er også nyutvikla i dei prosessane ein no har vore gjennom.


Allereie no kan ein sjå at det finst alternativ som ikkje vil vere aktuelle å velje som framtidig trasé for fylkesveg 7. Til grunn for å «sile ut»/forkaste alternativ før ein går i gang med utarbeiding av kommunedelplanen og utgreiingsarbeidet, ligg desse kriteria:

- Alternativ som ikkje vil oppfylle (minste)krava til framtidig veg, jamfør kapittel 3.1.1, skal forkastast.
- Alternativ som er openbart dårlegare enn andre alternativ skal forkastast. Meir konkretisert vil dette seie at ein allereie på dette stadiet i planprosessen kan forkaste...:
  - ...alternativ som openbart både vil få dårlegare prissette og ikkje prissette konsekvensar, jamfør kapittel 6.1.1, enn minst eit anna alternativ.
  - ...alternativ som vil ha same prissette konsekvensar, men openbart dårlegare ikkje-prissette konsekvensar, enn minst eit anna alternativ.
  - ...alternativ som vil ha same ikkje-prissette konsekvensar, men openbart dårlegare prissette konsekvensar, enn minst eit anna alternativ.


### 4.1 Ikkje ny fylkesveg 7 i Tokagjelet

I forprosjektet (26) var det presentert to alternativ som inneber at fv. 7 framleis vil gå i Tokagjelet:

- Utbetring av eksisterande veg
- Samankopling av Snauhaug- og Fossgjeltunnelen



**Figur 5:** Utbettingsalternativet. Raud strek markerer parti der det må etablerast skredoverbygg. I tillegg må øvre portal på Tokagjeltunnelen forlengast, det må settast opp fanggjerde nedom Fossgjeltunnelen og det må gjerast reinsk i fjellsida på oppsida av Fossgjeltunnelen. Tunnelane på strekninga må også oppgraderast.



**Figur 6:** Alternativ med samankopling av Snauhaug- og Foss gjeltunnelen, der raud strek markerer eventuell ny tunnel.

**Begge desse alternativa er forkasta i arbeidet med planprogrammet.** Ingen av alternativa oppfyller krava til framtidig fv. 7 fordi det er naudsynt å stenge eksisterande fv. 7 heilt i ein periode på 1 – 2 år før ein kan opne den nye vegen. For det fyrstnemnde alternativet oppnår ein heller ikkje tilfredsstillande tryggleik mot skred etter realisering.

## 4.2 Ny tunnel forbi Tokagjelet

Sidan alternativa med veg i Tokagjelet går ut, må det byggast ny fylkesveg forbi Tokagjelet. Slik topografien er i området, må dette gjerast ved å bygge tunnel.


Ulike aktuelle traséar for ein slik tunnel gir ulike planalternativ som skal vurderast nærmere. Ein kjem fram til tunneltraséar ved å kombinere ulike alternativ til tunnelpåhogg på ned-/austsida av Tokagjelet med alternativ til påhogg på opp-/vestsida av Tokagjelet.

Med dette som bakteppe har ein sett det som naturleg at ein i arbeidet med å sile vekk alternativ som er uaktuelle, har teke utgangspunkt i kva alternativ til tunnelpåhogg som vil vere uaktuelle. Tunneltraséane vil komme attende seinare som planaltnaiv, gitt dei påhogga som ein ynskjer å utgreie i den vidare planlegginga.

### 4.2.1 Påhoggsalternativ på ned-/austsida av Tokagjelet

På ned-/austsida av Tokagjelet har ein komme fram til sju ulike mogelegeheter for tunnelpåhogg i Steinsdalen. Alternativa til påhogg her kan delast i to grupper:

- A) Nedre Steinsdalen
- B) Øvre Steinsdalen



**Figur 7:** Påhoggsalternativ på ned-/austsida av Tokagjelet. For alternativ B-2 presiserast det at det er to variantar innanfor same alternativ. Val mellom variantane vert gjort i arbeidet med kommunedelplan.

#### A) Nedre Steinsdalen

Tanken bak A-alternativa er å avlaste dagens fylkesveg gjennom Steinsdalen, noko som vil gje ei forbetring for busetnaden og miljøet langs eksisterande veg.

Som det går fram av illustrasjonen over er det fem A-alternativ. Av desse alternativa er det grunnlag for å sile vekk og forkaste alternativ **A-1, A-2, A-3 og A-4**:

- Alternativ A-1 gir ein del negative verknadar for miljø, og særleg naturressursar og naturmangfald. Alternativ A-5 er betre for desse tema, men er därlegare på tema friluftsliv/by- og bygdeliv og kulturarv. Samla sett vurderer Statens vegvesen at A-5 i allfall ikkje har därlegare ikkje-prissette konsekvensar enn A-1. Samtidig sparar ein bygging av bru, noko veg i dagen og noko tunnel, med A-5 i forhold til A-1, og dette gjer at alternativ A-5 vil få betre prissette konsekvensar enn alternativ A-1. Sidan A-5 i allfall ikkje har därlegare ikkje-prissette konsekvensar enn A-1 og dei prissette konsekvensane vil verte bere, vert alternativ A-1 difor openbart uaktuelt og følgjande forkasta.
- Alternativ A-2 gir ein del negative verknadar for miljø, særleg for deltemaa landskapsbilete og kulturarv. Alternativ A-5 har også utfordringar knytt til temaet kulturarv, men er samla sett vurdert å ha betre ikkje-prissette konsekvensar enn alternativ A-2. Med alternativ A-5 i staden for A-2 vil ein spare bygging av bru og noko tunnel, og dette gjer at alternativ A-5 vil få betre prissette konsekvensar enn alternativ A-2. Sidan A-5 både vil få betre ikkje-prissette og prissette konsekvensar enn A-2, vert alternativ A-2 openbart uaktuelt og følgjande forkasta.
- Alternativ A-3 vert forkasta fordi det er vurdert av geolog at dette ikkje gir tilfredsstillande tryggleik mot skred (27).
- Alternativ A-4 gir store inngrep langs sørsida av Steinsdalen og har mykje därlegare ikkje-prissette konsekvensar enn alternativ A-5. Kostnadane med å bygge veg i dagen langs sørsida av Steinsdalen og tunnel mellom Langhaug og Symra (under Norheimsund vidaregåande skule) er vurdert å vere større, enn det ein tunnel vil koste med alternativ A-5. Fordi alternativ A-4 både får därlegare

prissette og ikkje-prissette konsekvensar enn alternativ A-5, er A-4 openbart uaktuelt og vert difor forkasta.


### B) Øvre Steinsdalen

Tanken bak B-alternativa er at tunnelpåhogg plasserast slik at den nye tunnelen forbi Tokagjelet vert kortast mogeleg. Ein har **ikkje funne grunnlag for å forkaste nokon av B-alternativa** på dette stadiet i planprosessen.


#### 4.2.2 Påhoggsalternativ på opp-/vestsida av Tokagjelet

På opp-/vestsida av Tokagjelet har ein komme fram til 16 ulike mogelegheiter for tunnelpåhogg på Kvamskogen, i Eikedalen og på Frøland. Alternativa til påhogg her kan delast i fire grupper:

- C) Langvotnevatnet
- D) Røyrlifi
- E) Kleiva og Eikedalen
- F) Frøland



**Figur 8:** Påhoggsalternativ på opp-/vestsida av Tokagjelet (områda Langvotnevatnet, Røyrlifi og Eikedalen).



**Figur 9:** Påhoggsalternativ på opp-/vestsida av Tokagelet (område Frøland).

### C) Langvotnevatnet

Tanken bak C-alternativa er å få tunnelpåhogg plassert slik at den nye tunnelen forbi Tokagelet vert kortast mogeleg.

Som synt på illustrasjonen på førre side er det fire C-alternativ. Det er **grunnlag for å sile vekk alle desse alternativa**:

- Uansett kva påhoggsalternativ ein vel ved Langvotnevatnet får den nye tunnelen forbi Tokagelet lik lengde fordi det er høgdeskilnaden og krav til stigning som vil vere styrande for tunnellengda.

Det er behov for å bygge gang- og sykkelveg langs fv. 7 rundt Kvinnhovden (mellan Langvotnevatnet og Røyrli). Grunna därlege grunnforhold er dette kostnadskrevjande. Det er rimelegare å heller bygge tunnel til Røyrli (D-alternativa) og slik få lagt om fylkesvegen. Dette vil også gjøre fylkesvegen kortare og meir effektiv for dei køyrande når ein ikkje treng å köyre rundt Kvinnhovden. Det er ikkje kjennskap til særlege miljøkonflikta ved D-alternativa. Alle C-alternativa vil soleis openbart både få därlegare prissette og minst like därlege ikkje-prissette konsekvensar enn D-alternativa, noko som dannar grunnlag for å forkaste alle desse alternativa.

### D) Røyrli

Også ved Røyrli er tanken å få tunnelpåhogg plassert slik at den nye tunnelen forbi Tokagelet vert kortast mogeleg, men at ein likevel kjem seg på nordsida av Kvinnhovden for å oppnå fordelar for trafikantane og unngår bygging av dyr gang- og sykkelveg som omtalt over.

Som synt på illustrasjonen på førre side er det to D-alternativ. Av desse alternativa er det **grunnlag for å sile vekk alternativ D-2**:

- Med alternativ D-2 vert både tunnelen og fv. 7 lengre enn med alternativ D-1, fordi D-2 har eit høgare liggjande påhogg enn D-1, og eksisterande veg mellom tilkoplingspunktene for desse to alternativa stig brattare enn 5,0%, som er maksimal stigning i tunnel. Det er ikkje kjennskap til at nokon av desse to alternativa råkar ved spesielle ikkje-prissette konsekvensar. Det konkluderast difor med at alternativ D-2 vil få därlegare prissette og i allfall ikkje vesentleg betre ikkje-prissette konsekvensar enn alternativ D-1. D-2 er soleis eit openbart uaktuelt alternativ.





Til grunn for å vurdere kva tiltak som er naudsynte vert det teke utgangspunkt i at det i investeringsprogrammet til Regional transportplan står at «det overordna fylkesvegnettet skal ha samanhengande god standard, minst tilsvarande utbettingsstandard» (2). Statens vegvesen har konkretisert fylkeskommunen sine krav til følgjande parameterar:

- Der horisontalkurvaturen er så krapp at ein må køyre vesentleg under fartsgrensa, skal horisontalkurvaturen utbetrast slik at den vert i tråd med dagens krav til linjeføring.
  - Unntak for dette er slyng/hårnålskurve ved Mørkhølen i Samnanger, som vert akseptert slik den er i dag på lang sikt.
- Der vegbreidda er smalare enn 6,0 meter i dag (dvs. ikkje gulstripe – sjå N302 kap. 5.3), skal vegen utvidast til 7,5 meter breidde.
- Planskilt kryssing for mjuke trafikantar der born jamleg kryssar vegen, eventuelt etablering av andre tiltak som gjer at kryssing ikkje er naudsynt.
- Der vegen vert fløymd over ved 50 års-flaum skal vegen hevast/leggast om slik at den er sikra mot 200 års-flaum.


Statens vegvesen vil vurdere og konkretisere omfanget av utbetringer i det vidare arbeid med kommunedelplanen.

### 4.3 Massedeponi

Uansett kva tunnel- og planalternativ ein endar opp med, får ein eit relativt stort masseoverskot. Det er ikkje råd å avklare endeleg kvar ein skal deponere overskotsmassane, men kommunedelplanen skal gjere greie for aktuelle løysingar. Masseplassering skal drøftast i konsekvensutgreiinga.

## 5 Planområdet

Med bakgrunn i dei aktuelle alternativa til ny fv. 7 har ein definert dette planområdet ved oppstart av arbeidet med kommunedelplanen:



**Figur 11:** Planområdet ved planoppstart.

Planområdet ligg dels i Kvam herad og dels Samnanger kommune i Hordaland.







som er så høgt, at trafikkavvisinga vert så stor at alternativa likevel ikkje lét seg finansiere. For alternativa med dei lengste tunnelane og følgjande dei største kostnadane, syner dei førebelse analysane at ein gjennomsnittleg takst på om lag 200 kroner kan vere naudsynt for å få tilstrekkeleg bompeneinntekter. Notatet med dei førebelse konklusjonane (5) ligg vedlagt planprogrammet.

Det vert understreka at dei konklusjonane ein har om finansiering pr. d.d. er førebelse. Det vert difor teke etterhald om at når grunnlaget for finansieringsanalysen vert meir detaljert, så kan det syna seg at det likevel er alternativ som ikkje lét seg finansiere eller at det vert høgare bompenegetakst enn det som er forventa no.

## 7 Statens vegvesen si tilråding

Det skal gå fram av kommunedelplanen kva Statens vegvesen meiner er det beste av alternativet. Evaluering av alternativ vert gjort i samsvar med Statens vegvesen sin rettleiar for konsekvensanalysar, handbok V712 (28). Metodikken vert kort samanfatta i det vidare.

Fyrst må det vurderast om det er nokon av alternativa som ikkje oppfyller minstekrava for framtidig fylkesvegtrasé, jamfør kapittel 3.1. Eventuelle alternativ som ikkje gjer dette, vert vurdert som uaktuelle.

Deretter skal ein rangere alternativa på bakgrunn av den samfunnsøkonomiske analysen som er gjort. Dette gjer ein ved å fyrst rangere etter prissette og ikkje-prissette konsekvensar individuelt, før ein lagar ei samla rangering av alternativa.

Avslutningsvis vert det vurdert om det er andre deler av konsekvensutgreiinga som tilseier at den rangeringa som ligg til grunn frå samfunnsøkonomisk analyse skal gjerast om på.

Det alternativet som til slutt kjem fram som det best rangerte vil då vere alternativet som Statens vegvesen skal tilrå.


## 8 Planprosess

### 8.1 Organisering

I dette planarbeidet har Statens vegvesen rolle som forslagsstiller. Kvam herad og Samnanger kommune er planmyndigheter. Hordaland fylkeskommune er formell veigar.

### 8.2 Trinna i planprosessen

Illustrasjonen under gir ein skjematiske framstilling av trinna i planprosessen.



**Figur 12:** Skjematisk framstilling av kommunedelplan–prosessen.

### 8.3 Framdriftsplan

Aktivitet	Tid gjennomført
Varsel om planoppstart og offentleg ettersyn av planprogram	Mai 2018
Offentleg ettersyn av planprogram	Mai – juni 2018
Fastsetting av planprogram	September 2018
Offentleg ettersyn av forslag til kommunedelplan	Juni – august 2019
<b>Vedtak av kommunedelplan</b>	<b>November 2019</b>
Kunngjering av planvedtak	Desember 2019

## 8.4 Medverknad

Planprogrammet og reglane i Plan- og bygningsloven (3) sikrar medverknad i planprosessen.

Gjennom offentleg ettersyn av planprogrammet er det høve til å påverke både kva spørsmål som er viktige, kva som bør utgreiaast og korleis planprosessen fram til det endelige planforslaget med konsekvensutgreiing skal handsamast.

Når forslag til kommunedelplan er ute til offentleg ettersyn er det tilsvarande høve til å kommentere sider ved planinnhaldet som skal ligge til grunn for eit traséval.

I tillegg til offentleg ettersyn av planprogram og planforslag, vil ein i dette prosjektet også vareta medverknad ved å arrangere informasjons- og dialogmøter og ha ei eiga prosjektnettseite ([vegvesen.no/Fylkesveg/fv7tokagjelet](http://vegvesen.no/Fylkesveg/fv7tokagjelet)).



**Figur 13:** Illustrasjonsbilete medverknad (foto: Knut Opeide, Statens vegvesen)

## 9 Merknadar etter offentleg ettersyn av forslag til planprogram

I dette kapittelet vert merknadane til planprogram sett inn og kommentert, etter at offentleg ettersyn er gjennomført.









## Resultater

I det følgjande vert det rekna på ulike takstar for å finansiere dei manglande midlane for dei ulike alternativa. Det vert rekna på:


- Takst på 3 kr pr. km veg
- Høg takst

### Finansieringsmodeller – Takst på 3 kr pr km

Med 3 kroner per kilometer vil taksten for takstgruppe 1 for alternativa verte (2017-prisnivå):


Alternativ	Lengde (m)	Takst (kr)
1-B Steinsdalen – Kvamskogen	6600	20
1-E Steinsdalen – Eikedalen	8500	26
1-F Steinsdalen – Frøland	13500	41
2-B Norheimsund – Kvamskogen	8400	25
2-E Norheimsund–Eikedalen	10800	32
2-F Norheimsund–Frøland	16200	49

I kartet under er det rekna på trafikktal for dei lengste tunnelalternativa (2-B, 2-E og 2-F) med takst på 3 kr per km, utan at gamlevegen opp Tokagjelet vert stengd.



Figur 1 Trafikktal med takst på 3 kr per km når vegen i Tokagjelet vert haldt open

Som kartet ovanfor viser vil ein få ein svært låg ÅDT i alternativ 2-B med dersom gamlevegen vert haldt open for trafikk. Det at gamlevegen haldast open for trafikk, vil likevel medføre auka trafikk i høve dagens ÅDT for tunnelløysingane 2-E og 2-F.



Figur 2 Trafikktal med takst på 3 kr per km når vegen i Tokagjelet er stengt (alternativ 2-B og 2-E)









Dersom ein legg til grunn 5 % lågare trafikktal enn RTM-berekningar, kun 0,5 % i årleg trafikkvekst og tar høgde for at prosjektkostnadane vert 40 % høgare enn føresett, så er det ingen av alternativa som let seg finansiere med takstane som foreslått her. Det må eventuelt reknast på høgare takstar for alle alternativa, dersom kostnadsoverslag etter reguleringsplan er godkjent vert 40 % høgare enn kostnadsoverslag i forprosjektet.

## Konklusjon

Ut frå finansieringsmessige argumenter synast alternativ 1-B som det beste alternativet. Ein treng truleg ikkje overstige nivået for bompenger takstar på 3 kr pr. km for dette alternativet. Dersom alternativ 1-B vert arbeid inn i den eksisterande Kvammapakken, vert det truleg ikkje naudsynt å auke takstane i pakken. Det vil vere tilstrekkeleg å kun forlengje innkrevjingstida med nokre få år. Dette prosjektet er i tillegg det einaste alternativet som er robust for eventuelle kostnadsauke med 10 % og lågare trafikktal, då dette kan løysast med å ha fleire år innkrevjing. Sidan takstane i berekningane er sett så låge for alternativ 1-B, kan det tenkast at ein kostnadsauke på 40 % og lågare trafikktal kan løysast med ein auke av takstane.

Alternativ 2-B og 1-E er prosjekt som kan finansierast med bompenger takstar som er på nivå med dagens Kvammapakke. For desse to alternativa kan det vere snakk om både ein forlenging av innkrevjingstida i Kvammapakken, men også ein auke av takstane i pakken for å samtidig kunne finansiere lånegjelda. Sidan det ikkje er tatt omsyn til Kvammapakken i dette notatet, kan desse alternativa dermed synast meir fordelaktige enn dei realiteten er. Begge alternativa er sårbar for ein eventuell kostnadsauke i høve kostnadsanslag, gitt føresetnad om 15 års innkrevjing. Auka kostnadar må ev. finansierast gjennom å auke takstane.

For alternativ 1-F og 2-F er det køyrt RTM-berekningar for noko høgare takstar enn naudsynt for å finansiere prosjekta. Begge prosjekta kan la seg finansiere med høge bompenger takstar då RTM-berekningar viser at trafikanter vil velje denne vegen. Prosjekta er sårbar for kostnadsauke på både 10 og 40 %.

Dersom det er lokalpolitisk vilje til å akseptere dei høge bompenger takstane på opp til 215 kr for dei lange tunnelalternativa, inneber finansieringsplanen ein føresetnad om stenging av eksisterande veg gjennom Tokagjelet. Det er ikkje rekna på bompenger takstar for ein finansieringsplan som ikkje inkluderer avsette skredsikring og oppgradering av eksisterande tunnelar i Tokagjelet. Ein må føresette at bompenger takstane må aukast mellom 50 og 100 % i høve takstane som er rekna på i dette notatet. Samtidig er det ein usikkerheit om slike takstar vil føre til svært stor avvisningseffekt.